

cus, non ex eo quod acceperat cecidit, sed ex eo quod acceperet, si subdi voluissest Deo : quod profecto quia noluit, et ab eo quod accepturus erat cecidit, et potestatem illius sub quo esse noluit, non evasit : factumque in illo est pondere meritorum, ut nec justitiae possit lumine delictari, nec ab ejus sententia liberari.

---

## CAPUT XXIV.

*De corpore mystico diaboli intelligendum esse illud :  
Quomodo cecidit Lucifer, etc. — Corpus Christi. —  
Corpus diaboli.*

XXXI. Quod ergo per Isaïam prophetam in cum diciatur : « Quomodo cecidit de celo Lucifer mane oriens, » contritus est in terram, qui mittebat ad omnes gentes. « Tu autem dixisti sensu tuo : In celum ascendam, super » per sidera coli ponam thronum meum, sedebo in monte excelsio super montes excelsos qui sunt ad Aquilonem, « ascendam super nubes, ero similis Altissimo : nunc autem ad inferos descendes<sup>1</sup>, » et cætera, quæ in figura regis velut Babylonis in diabolum dicta intelliguntur, plura in ejus corpus convenient, quod etiam de humano genere congregat : et in eos maxime qui ei per superbiam coherent, apostatando a mandatis Dei. Sicut enim qui erat diabolus homo dictus est, ut in Evangelio : « Inimicus homo hoc fecit<sup>2</sup> ; » ita qui homo erat diabolus dictus est, ut rursus in Evangelio : « Nonne ego vos duodecim elegi, et unus ex vobis diabolus est<sup>3</sup>? » Et sicut corpus Christi quod est Ecclesia, dicitur Christus, sicut

<sup>1</sup> Isaï. xiv, 12-15. — <sup>2</sup> Matth. xii, 28. — <sup>3</sup> Joan. vi, 70.

illud est : « Vos Abrahæ semen estis<sup>1</sup>, » cum paulo superius dixisset : « Abraha dictæ sunt promissiones et semini ejus, non dicit : Et seminibus, tanquam in multis, » sed tanquam in uno : Et semini tuo quod est Christus<sup>2</sup>. » Et iterum : « Sicut enim corpus unum est, et membra habent multa, omnia autem membra corporis cum sint multa, unum est corpus, ita et Christus<sup>3</sup>. » Eo modo etiam corpus diaboli, cui caput est diabolus, id est, ipsa impiorum multitudo, maximeque eorum, qui a Christo vel de Ecclesia sicut de celo decidunt, dicitur diabolus, et in ipsum corpus figurate multa dicuntur, quæ non tam capiti quam corpori membrisque convenient. Itaque Lucifer qui mane oriebatur et cecidit, potest intelligi apostatarum genus vel a Christo, vel ab Ecclesia; quod ita convertitur ad tenebras, amissa luce, quam portabat, quemadmodum qui convertuntur ad Deum, a tenebris ad lucem transeunt, id est, qui fuerunt tenebra lux fiunt.

---

## CAPUT XXV.

*De eodem corpore diaboli dictum esse illud : Tu es signaculum, etc. — Paradisus Ecclesia.*

XXXII. Item in figura principis Tyri per Ezechiem prophetam in diabolum dicta intelliguntur : « Tu es signaculum similitudinis et corona decoris, in deliciis paradisi Dei fuisti, omni lapide pretioso ornatus es<sup>4</sup>, » et cætera quæ non tam in ipsum principem spiritum nequitiae, quam in corpus ejus dicta convenient. Paradisus enim dicta est Ecclesia, sicut legitur in Cantico Canticorum

<sup>1</sup> Gal. ii, 29. — <sup>2</sup> Ibid. 16. — <sup>3</sup> Cor. xii, 12. — <sup>4</sup> Ezech. xxviii, 12.

rum : « Hortus conclusus, fons signatus, puteus aquæ  
» vivæ, paradisus cum fructu pomorum<sup>1</sup>. » Inde ceciderunt vel aperta et corporali separatione omnes here-tici : vel occulta et spirituali, quāmvis in ea corporaliter esse videantur, omnes conversi ad vomitum suum<sup>2</sup>, cum post remissionem omnium peccatorum paululum ambulassent in via justitiae, in quibus facta sunt posteriora deteriora prioribus, et quibus expediebat non cognoscere viam justitiae quam cognoscentibus retrorsum reflecti a tradito sibi sancto mandato. Hanc pessimam generationem Dominus describit, cum dicit spiritum nequam exire ab homine, et cum aliis septem redire, et in domo quam mundatam jam invenerat, inhabitare, ut sint novissima hominis illius pejori prioribus<sup>3</sup>. Tali enim generi hominum, quod jam factum est corpus diaboli, possunt hec verba congruere : « A die, qua creatus es, tu cum cherub, » id est, cum sede Dei, quis interpretatur multiplicata « scientia. Et posuit te in monte sancto Dei, hoc est, in « Ecclesia, unde est : Et exaudivit me de monte sancto « suo<sup>4</sup>. Fuisti in medio lapidum flammearum, id est, « sanctorum spiritu serventium lapidum vivorum. Am- « bulasti sine vitio tu in diebus tuis, ex quo die creatus » es tu, donec inventa sunt delicta tua in te<sup>5</sup>. » Possunt diligentius ista tractari, ut fortassis ostendatur non solum et hunc intellectum esse in his verbis posse, sed omnino alium esse non posse.

<sup>1</sup> Cant. iv, 12. — <sup>2</sup> Prov. xxvii, 11, et 2 Petr. ii, 22. — <sup>3</sup> Matth. xi, 44.  
— <sup>4</sup> Psal. iii, 5. — <sup>5</sup> Ezech. xviii, 14, et seqq.

## CAPUT XXVI.

*Conclusio de diaboli conditione et lapsu.*

XXXIII. VERUM quia longum est, et alium sermonem exigit eidem tantum quæstiōne deputatum, nunc sufficiat ista complexio, aut ab initio conditionis sue diabolum a beatitudine, quam, si voluisse, percepturus fuerat, impia superbia cedisse, aut alios esse Angelos inferioris ministerii in hoc mundo, inter quos secundum eorum quādam non præsciam beatitudinem vixerat, et a quorum societate cum sibi subditis angelis suis tanquam archangelus cecidit per superbam impietatem ; si hoc ullo modo asseri potest, quod mirum si potest : aut certe rationem requirendam, quemadmodum omnes sancti Angeli, si inter illos aliquando pariter beatus cum suis angelis diabolus vixit, nondum habuerint etiam ipsi certam præscientiam perpetua felicitatis suæ, sed eam post casum ejus acceperint : aut quo merito ante suum peccatum diabolus cum sociis suis a ceteris Angelis discretus fuerit, ut ipse sui casus futuri esset ignarus, illi autem certi per-mansionis sue : dum tamen et peccatores angelos minime dubitemus detrusos tanquam in carcerem caliginis hujus aëris circa terras<sup>1</sup>, secundum apostolicam fidem, in judicio puniendo servari<sup>2</sup>; et in illa superna beatitudine sanctorum Angelorum non esse incertam vitam æternam, nec nobis secundum Dei misericordiam et gratiam et fidelissimam pollicitationem incertam futuram, cum fuerimus eis post resurrectionem et istorum mutationem corporum

<sup>1</sup> 2 Sent. dist. vi, cap. Non enim. — <sup>2</sup> Petr. ii, 4.

copulati. Ad hanc enim spem vivimus, et ejus promissio-nis gratia recreamur. Quidquid autem etiam de diabolo dici potest, cur eum Deus creaverit, cum talem praescire futurum, et cur omnipotens ejus voluntatem non conver-tat in bonum, secundum ea quae disseruimus, cum de malis hominibus similiter quereremus, sive intelligatur, sive credatur, sive quid melius inventari potest, inventatur.

### CAPUT XXVII.

*De tentatione diaboli per serpentem.*

XXXIV. Ab illo ergo cuius super omnia, quae creavit, summa potestas est, per Angelos sanctos a quibus illu-ditur diabolus, cum et de ipsius malevolentia consultur Ecclesie Dei, non est permisus tentare foeminam nisi per serpentem, nec virum nisi per foeminam: sed in serpente ipse locutus est, utens eo velut organo, movensque ejus naturam ex modo quo movere ille, et moveri illa potuit, ad exprimendos verborum sonos et signa corporalia, per quae mulier suadentis intelligeret voluntatem. In ipsa vero muliere, quia illa rationalis creatura erat, quae motu suo posset uti ad verba facienda, non ipse locutus est, sed ejus operatio atque persuasio; quamvis occulto instinctu adjuvaret interius, quod exterius egerat per serpentem. Quod quidem si solo instinctu occulitus ageret, sicut egit in Iuda ut traderet Christum<sup>1</sup>, posset efficiere in anima superbo amore suæ potestatis inducta: sed sicut jam dixi, tentandi voluntatem habet diabolus, in potestate autem nec ut faciat habet, nec quomodo faciat. Quia permisus

<sup>1</sup> Joan. xiii, 2.

est ergo, tentavit, et quomodo permisus est, ita tentavit: cui autem generi hominum pròdisset quod faciebat, neque sciebat, neque volebat, et eo ipso illudebatur ab Angelis.

### CAPUT XXVIII.

*An serpens verba prolati intellexerit.*

XXXV. Non itaque serpens verborum sonos intelligebat, qui ex illo fiebant ad mulierem. Neque enim conversa credenda est anima ejus in naturam rationalem: quandoquidem nec ipsi homines, quorum rationalis natura est, cum dæmon in eis loquitur ea passione, cui exorcista requiritur, scirunt quid loquantur: quanto minus ille intellegenter verborum sonos, quos per eum et ex eo diabolus illo modo faciebat, qui hominem loquentem non intelligeret, si eum a diabolica passione immunit audiret. Nam et quod putantur audire et intelligere serpentes verba Marsorum, ut eis incantantibus prosiliant plerumque de latebris, etiam illuc diabolica vis operatur, ad cognoscendam ubique providentiam, quam rem cui rei naturali ordine subjiciat, et quid etiam voluntatibus malis sapientissima potestate permittat, ut hoc magis habeat usus, serpentes moveri carminibus hominum, quam ullum aliud genus animantium. Etiam hæc enim non parva testatio est, naturam primitus humanam serpentis seductam esse colloquio. Gaudent enim dæmones hanc sibi potestatem dari, ut ad incantationem hominum serpentes moveant, ut quolibet modo fallant quos possunt. Hoc autem permittuntur ad primi facti memoriam commendandam, quod sit eis quedam cum hoc genere familiaritas. Porro

ipsum primum factum ad hoc permisum est, ut per naturam serpentis significaretur generi hominum, cui ernandi. hec gesta conscribi oportebat, omnis diabolica tentationis similitudo: quod apparebit, cum in serpente proferri coepit divina sententia.

## CAPUT XXIX.

*Serpens cur dictus prudentissimus.*

XXXVI. *Proinde prudentissimus omnium bestiarum,* » Hoc est, astutissimus, ita dictus est serpens propter astutiam diaboli, quae in illo et de illo agebat dum, quemadmodum dicitur vel astuta lingua, quam prudens vel astutus movet ad aliquid prudenter astuteque suadendum. Non enim est hec vis seu virtus membra corporalis, quod vocatur lingua, sed utique mentis qua uitit ea. Ita etiam dictus est stylus mendax scribarum: neque enim esse mendacem pertinet, nisi ad viventem atque sentientem; sed stylus mendax dictus est, quod per eum mendax mendaciter operetur; quemadmodum si et iste serpens mendax dicereatur, quod eo diabolus tanquam stylo mendaciter uteretur.

XXXVII. Hoc ideo commundandum putavi, ne quisquam existimans animantia rationis experitia humanum habere intellectum, vel in animal rationale repte mutari, seducatur in illam opinionem ridiculam et noxiā revolutionis animarum vel hominum in bestias, vel in homines bestiarum<sup>1</sup>. Si ergo locutus est serpens homini, sicut asina, in qua sedebat Balaam<sup>2</sup>, locuta est homini, 01.2. Sent. dist. xxx, cap. 2. — 2. Num. xxii, 28. *temporibus ab illa tempore*

nisi quod illud fuit opus diabolicum; hoc angelicum. Habent enim quedam boni et mali angeli opera similia, sicut Moyses et magi Pharaonis<sup>3</sup>. Verum in his etiam boni Angeli potentiores sunt, nec mali angeli etiam talium operum quidquam possunt, nisi quod per bonos Angelos permisit Deus, ut retribuatur unicuique secundum cor eius, vel secundum gratiam Dei, utrumque justus ac benignus per altitudinem divitiarum sapientiae Dei<sup>4</sup>.

## CAPUT XXX.

*Colloquium serpentis cum muliere. — Oblivio precepti Domini.*

XXXVIII. » Dixit ergo serpens mulieri: Quid, quia dixit Deus: Non edetis ab omni ligno paradisi? Et dixit mulier serpenti: A fructu ligni quod est in paradyso edemus: de fructu autem ligni, quod est in medio paradi, dixit Deus: Non edetis ex eo, neque tangetis illud, ne moriamini<sup>5</sup>. » Ideo prius interrogavit serpens et respondit hoc mulieri, ut prevaricatio esset inexcusabilis, neque ullo modo dici posset id, quod praeceperat Deus, oblitam fuisse mulierem. Quanquam et oblivio praecepti, maxime iniūs et tam necessarium, ad maximam culpam damnabilis negligenter perficeret: verumtamen evidentior ejus transgressio est, cum memoria retinetur, et tanquam in illo Deus assistens praesensque contemnitur. Unde necessarium fuit, cum in Psalmo diceretur: « Et memoria retinentibus mandata ejus, » addere, « ut faciant ea<sup>6</sup>. Multi enim retinent memoria, ut contem-

<sup>1</sup> Exod. viii, 11. — <sup>2</sup> Rom. xi, 33. — <sup>3</sup> Gen. iii, 1-4. — <sup>4</sup> Psal. cx, 18.

nant ea, prævaricationis majore peccato, ubi obliuionis nulla est excusatio.

**XXXIX.** « Dixit ergo serpens mulieri: Non morte mó-  
» riemini. Sciebat enim Deus quoniam quo die mandu-  
» caveritis de eo, adaperientur vobis oculi, et eritis sicut  
» dii cognoscentes bonum et malum. » Quando his ver-  
» bis crederet mulier a bona atque utili re divinitus se fuisse  
» prohibitos, nisi jam inesset menti amor ille propria pot-  
» testatis, et quedam de se superba præsumptio, que per illam tentationem fuerat convincenda et humilianda? De-  
» nique veribus non contenta serpentis consideravit lignum<sup>1</sup>,  
« Viditque bonum ad escam, et decorum ad spectum, »  
et non credens posse inde se mori, arbitror quod putar-  
» verit Deum alicuius significatio causa dixisse: « Si man-  
» ducaveritis, morte moriemini: » atque ideo sumpsit de fructu ejus, et manducavit, et dedit etiam viro suo secum: fortassis etiam cum verbo suassorio, quod Scriptura tacens intelligentem relinquit. An forte nec suaderi jam opus erat viro, quando illam eo cibo mortuum non esse cerebat?

**CAPUT XXXI.** Ad quid aperti oculi Adami et Eve.

**XL.** « Enco ederunt, et aperti sunt oculi amborum. » Quo nisi ad invicem concepuscendum, ad peccati peccatum carnis ipsius morte conceptam; ut jam esset corpus non animale tantum<sup>2</sup>, quod poterat, si obedientiam conservarent, in meliorem spiritalemque habitum sine morte

<sup>1</sup> 2 Sent. dist. xxxi, cap. i. — <sup>2</sup> 1 Cor. xv, 44. — 11. xv. horiz.

mutari, sed jam corpus mortis, in quo lex in membris repugnaret legi mentis<sup>3</sup>. Neque enim clausis oculis facti erant, et in parido deliciarum cæci palpantesque obrabant, ut vetitum lignum etiam nescientes attingerent, palpantesque fructus prohibitos ignorando decerpserent. Quomodo autem animalia et volatilia adducta sunt ad Adam, ut videret quid ea vocaret<sup>4</sup>, si non videbat? Et quomodo ipsa mulier ad virum adducta est, quando facta est, ut de illa, quam non videbat, diceret: « Hoc nunc os si de ossibus meis, et caro de carne mea<sup>5</sup>, » et cetera? Postremo quomodo vidit mulier quia bonum est lignum in escam<sup>6</sup>, et quia placet oculis ad videndum, et decorum est cognoscere, si eorum clausi erant oculi?

**XLI.** Nec tamen ideo propter unius verbi translatio-  
» nem totum figurate accipendum est. Viderit enim quem-  
» admodum dixerit serpens: « Aperientur vobis oculi. » Hoc enim eum scriptor libri dixisse narravit; in qua vero significatio vel sententia dixerit, lectori considerare permisit. Hoc autem quod scriptum est: « Et aperti sunt  
» oculi eorum, et cognoverunt quia nudi erant, » ita scriptum est, quemadmodum omnia quæ gesta narrantur, nec tamen ideo in allegoricam narrationem nos debent du-  
» cere. Neque enim et Evangelista narrator dicta cuius-  
» quam figurata ex ejus persona inserebat, ac non ex per-  
» sona sua quæ fuerant gesta narrabat, cum dicaret de illis duobus, quorum unus erat Cleophas, quod cum fregisset ei Dominus panem, aperti sunt oculi eorum, et cognove-  
» runt eum quem per viam non cognoverant<sup>7</sup>: non utique clausis oculis ambulantes, sed eum cognoscere non valen-  
» tibus. Sicut ergo ibi, sic nec isto loco figuratio narratur est,  
quamvis translatu verbo Scriptura usa sit, ut apertos di-

<sup>1</sup> Rom. vii, 23. — <sup>2</sup> Gen. ii, 19. — <sup>3</sup> Ibid. 22. — <sup>4</sup> Id. m, 6. — <sup>5</sup> Læc. xxiv, 31.

ceret oculos, qui et antea patebant. Apertos, utique ad aliquid intuendum et cogitandum, quod antea nunquam adverterant. Ubi enim ad transgrediendum preceptum audax curiositas mota est, avida experiri latentia, quidnam tacto vetito sequeretur, et noxia libertate habendas prohibitionis rumpe re delectata, probabilius existimans non esse mortem, quam timuerant, securaram. Tale quippe pomum credendum est fuisse in illa arborē, cuius generis porta jam in aliis arboribus innoxia senserant: unde magis crediderunt Dēum posse peccantibus facile ignoroscere, quam patienter talarunt non cognoscere quidnam esset, vel cur eos inde cibum sumere vetusset. Mox ut ergo preceptum transgressi sunt, intrinsecus gratia deserente omnino nudati, quam typho quedam et superbo amore suae potestatis offenderant, in sua membra oculos injecerunt, eaque motu eo, quem non neverant, concupiverunt. Ad hoc ergo aperti sunt oculi, ad quod antea non patchant, quanvis ad alia patienter.

**CAPUT XXXII.**  
*Mortalitatis et libidinis origo. — Fieculnea succinctoria.*

XLI. Hęc mors ca die accidit, qua factum est quod Deus vettuit. Amiso quippe statu mirabili, corpus ipsum cui status etiam de ligno vita virtute mystica præbebatur, per quem nec morbo tentari, nec mortali atate potuerint, ut hoc in eorum carne, quanvis adhuc animali et in melius postea commutanda, jam tamen significaretur per escam ligni vitę, quod ex ipso spiritali alimento sapientiae, cuius sacramentum illud lignum erat, sit in Angelis per-

zeternitatis participationem, it in determinis non mutentur: hoc ergo amissō statu corpus eorum duxit morbidam et mortiferam qualitatem, quae inest etiam pecorum carni, ac per hoc etiam eundem motum quo fit in pecoribus concumbendi appetitus, ut succedant nascentia morientibus: sed tamen etiam in ipsa jam poena sue generositatis index anima rationali bestiale motum in membris suacarnis erubuit, eique incussit pudorem, non solum quia hoc ibi sentiebat, ubi nunquam antea tale aliiquid senserat, verum etiam quod ille pudendus motus de præcepti transgressione veniebat. Ibi enim sensit, qua prius gratia vestirebat, quando in sua nuditate nihil indecens patiebatur. Ibi complevit est: « Domine in voluntate tua præstatisti decori meo virtutem; avertisti autem faciem tuam, et factum sum conturbatus. » Denique illa conturbatione ad folia fulnea cucurrerunt, succinctoria conserunt, et quia glorianda deseruerant, pudenda texerunt. Nec arbitror eos cogitasse aliiquid in illis foliis, quod talibus congrueret: contegi jam membra pruriencia, sed occulto instinctu ad hoc illa conturbatione compulsi sunt, ut etiam talis poena sue significatio a nescientibus fieret, que peccatorum facta convinceret, et doceret scripta lectorum.

**CAPUT XXXIII.**  
*Vox Dei ambulantis in paradiso.*

XLIII. « Er audierunt vocem Domini Dei ambulantis in paradiso ad vesperam. » Ea quippe hora tales jam convenerat visitare, qui defecerant a luce veritatis. For-

<sup>1</sup> Psal. xxix, 8. — <sup>2</sup> Gen. iii, 8.

tassis enim aliis intrinsecus vel effabilibus vel ineffabilibus modis Deus cum illis antea loquebatur, sicut etiam cum Angelis loquitur ipsa incommutabili veritate illustrantes eorum, ubi est intellectus nosse simul quecumque etiam per tempora non sunt simul. Forte, inquam, sic cum eis loquebatur, etsi non tanta participatione divinae sapientiae, quantum capiunt Angeli; tamen pro humano modulo, quantumlibet minus, sed ipso genere visitationis et locutionis; fortassis etiam illo, qui fit per creaturam, sive in extasi spiritus corporalibus imaginibus, sive ipsis sensibus corporis aliqua specie praesentata vel ad videndum, vel ad audiendum, sicut in Angelis suis solet videri Deus vel sonare per nubem. Nunc tamen quod audierunt vocem Dei ambulantis in paradyso ad vesperam, non nisi per creaturam visibiliter factum est, ne substantia illa invisibilis et ubique tota, quæ Patris et Filii est et Spiritus sancti, corporalibus eorum sensibus locali et temporali motu apparuisse credatur.

XLIV. « Et absconderunt se Adam et mulier ejus a facie Domini in medio ligno, quod est in paradyso.<sup>1</sup> » Cum Deus avertit intrinsecus faciem suam, et fit homo conturbatus; non miremur hæc fieri, quæ similia sunt dementiae, per nimium pudorem ac timorem; illo quoque occulto instinctu non quiescente, ut ea nescientes facerent, quæ aliquid significant, quandoque scituris posteris, propter quos ista conscripta sunt.

<sup>1</sup> Gen. iii, 8.

XVII. « Et regnante locum Domini Dei impinguata  
in paradiso, et timui, quia nudus sum, et abscondi  
me.<sup>2</sup> » Satis probabile est solere Deum per creaturam tali actioni congruam in forma humana primis illis hominibus apparet: quos tamen nunquam permisit advertere nuditatem suam, eorum intentionem in superna sustollens, nisi cum post peccatum pudendum in membris motum penalis membrorum lege sensissent. Sic ergo affecti sunt, ut solent affici homines sub oculis hominum, et talis affectio de peccati pena erat, cum latere velle, quem latere nihil potest, et ab eo carnem occultare, qui cordis inspector est. Sed quid mirum si superbi volentes esse sicut dii, evanuerunt in cogitationibus suis, et ob-

Adam ob nuditatem sese abscondens interrogatur a  
electando deo. — Nuditas carnalis.

XLV. « Et vocavit Dominus Deus Adam, et dixit  
illi: Ubi es?<sup>3</sup> » Increpantis vox est, non ignorantis. Et hoc sane ad aliquam pertinet significationem, quod sicut preceptum viro datum est, per quem perveniret ad feminam, ita vir prior interrogatur. Preceptum enim a Domino per virum usque ad feminam: peccatum autem a diabolo per feminam usque ad virum. Hæc mysticis significationibus plena sunt, non id agentibus in quibus facta sunt, sed de his id agente potentissima sapientia Dei. Non autem nunc significare reseramus, sed gesta defendimus.

XLVI. Respondit ergo Adam: « Vocem tuam audivi  
in paradyso, et timui, quia nudus sum, et abscondi  
me.<sup>4</sup> » Satis probabile est solere Deum per creaturam tali actioni congruam in forma humana primis illis hominibus apparet: quos tamen nunquam permisit advertere nuditatem suam, eorum intentionem in superna sustollens, nisi cum post peccatum pudendum in membris motum penalis membrorum lege sensissent. Sic ergo affecti sunt, ut solent affici homines sub oculis hominum, et talis affectio de peccati pena erat, cum latere velle, quem latere nihil potest, et ab eo carnem occultare, qui cordis inspector est. Sed quid mirum si superbi volentes esse sicut dii, evanuerunt in cogitationibus suis, et ob-

<sup>2</sup> Gen. iii, 9. — Ibid. 10.

scuratum est insipiens cor eorum<sup>1</sup>. Se quippe dixerunt esse sapientes in abundantia sua, et illo avertente faciem, stulti facti sunt. Quod enim jam ipsos pudebat erga se ipsos, unde sibi et succinctoria fecerant, multo vehementius ab illo etiam si succincti videri verebantur, qui tanquam familiari temperamento ad eos videndos per creaturem visibilem velut humanos oculos afferebat. Si enim propterea sic apparebat, ut homines tanquam cum homine loquerentur, quemadmodum Abraham ad querendum Mambre<sup>2</sup>, illa ipsa prope amicitia pudore onerabat post peccatum, qua fiduciam dabat ante peccatum, nec jam illam nuditatem audiebat ostendere talibus oculis, quae displicebat et suis.

### CAPUT XXXVI.

*Excusationes Adami et Eva.*

**XLVII.** DOMINES ergo volens jam peccatores more justitiae interrogatos punire amplius quam erat illa pena, de qua jam cogebantur erubescere: «Quis munitavit, inquit, tibi quia nudus es, nisi a ligno quod praeceperam tibi tantum ne ex eo manducas, ab eo edisti<sup>3</sup>?» Hinc enim mors concepta, propter Dei sententiam, qui sic fuerat communatus, fecit adverti concupiscentialiter membra, ubi dicti sunt aperti oculi, et seculum est quod pudaret. «Et dixit Adam: Mulier quam dedisti mecum, haec mihi dedit a ligno, et edidit.» Eia superbia! namquid dixit: Peccavi? Habet confusione deformitatem, et non habet

<sup>1</sup> Rom. i, 21, et Ephes. iv, 18. — <sup>2</sup> Gen. viii, 1. — <sup>3</sup> Id. iii, 11. — <sup>4</sup> Ibid. 12.

confessionis humilitatem. Ad hoc ista conscripta sunt, quia et ipsæ interrogations nimurum ad hoc factæ sunt, ut et veraciter et utiliter scriberentur; quia si mendaciter, non utique utiliter: ut advertamus, quo morbo superbie laborent homines hodie, nonni in Creatorem conantes referre si quid egerint mali, eum sibi velint tribui si quid egerint boni. «Mulier, inquit, quam dedisti mecum,» id est, quam dedisti ut esset mecum; «haec mihi dedit a ligno, et edidit;» quasi ad hoc data sit, ut non ipsa potius obediret viro, et ambo Deo.

**XLVIII.** «Et dixit Dominus Deus mulieri: Quid hoc fecisti? Et dixit mulier: Serpens seduxit me, et manducavi.<sup>5</sup> Nec ista confletetur peccatum, sed in alterum refert, impari sexu, pari fastu. Ex his tamen natus est, nec eos imitatus est, sed plane pluribus malis exercitatus, qui dixit, et dicit usque ad terminum seculi: «Ego dixi: Domine, misere mei, sana annam meam, quia peccavi tibi.<sup>6</sup>» Quanto inilius sic et isti? Sed adhuc certices peccatorum non conciderat Dominus<sup>7</sup>. Restabant labores, dolores mortis, et omnis contritio seculi, et gratia Dei, qui tempore opportuno subvenit hominibus, quos afflictos docuit non de se ipsis debere presumere. «Serpens, inquit, seduxit me, et manducavi;» quasi cujusquam statio precepto Dei debuerit anteponi.

<sup>5</sup> Gen. iii, 13. — <sup>6</sup> Psal. xl, 5. — <sup>7</sup> Id. cxxviii, 4.

impeditum est quod deinceps ad hanc sententiam accipere possemus, nisi respondeamus ad ipsam. Et hoc est quod dicitur: **CAPUT XXXVI.**

*Maledictio serpenti.*

**XLIX.** « Ex ait Dominus Deus serpenti : Quia fecisti tu hoc, maledictus tu ab omnibus pecoribus, et ab omnibus bestiis, que sunt super terram. Super pectus tuum et ventrem tuum ambulabis, et terram edes omnes dies vita tuae. Et inimicities ponam inter te et mulierem, et inter semen tuum et semen illius. Ipsa tibi servabut caput, et tu servabis ejus calcaneum<sup>1</sup>. » Tota ista sententia figurata est, nec aliud debet ei scriptoris fides narrationisque veritas, nisi ne illam dictam fuisse dubitemus. Quod enim positum est, « Et dixit Dominus Deus serpenti », verba sola scriptibus sunt, haec exigenda sunt per proprietatem. Hoc ergo verum est, dictum est serpenti. Jam cetera verba Dei sunt, qua libero lectoris intellectu relinquuntur, utrum proprias figurate accipi debeant, sicut in exordio voluminis hujus nostri prelocuti sumus. Proinde quod serpens, cur hoc fecerit, non est interrogatus, potest videri, quod non ipse utique id in sua natura et voluntate fecerat; sed diabolus de illo et per illum et in illo fuerat operatus: qui jam ex peccato impietatis ac superbiae sue igni destinatus fuerat sempiterno. Nunc ergo quod serpenti dicunt, et ad eum qui per serpentem operatus est utique refertur, procul dubio figuratum est: nam in his verbis tentator ille describitur, qualis generi humano futurus esset: quod genus humanum propagari tunc coepit, quando haec in diabolum est tanquam in serpentem prolatam sen-

<sup>1</sup> Gen. iii, 14, 15.

tentia. Haec itaque verba quomodo figuris expositis accipienda sint, et in illis duobus adversus Manichaeos editis libris de Genesi, quantum potuimus disservimus, et si quid diligenter et congruentius alias potuerimus, Deus aderit, ut efficiamus: nunc tamen nostra intentio in aliud quam suscepimus, nullo exigente, avertenda est.

*Pax et mulieris. — Dominium mariti.*

**L.** « Et mulieri dixit : Multiplicans multiplicabo tristias tuas et gemitus tuum : in tristitia paries filios, et ad virum tuum conversio tua, et ipse tu dominabitur<sup>1</sup>. » Haec quoque in mulierem Dei verba, figurata ac propheticamente multo commodius intelliguntur: verumtamen quia nondum pepererat femina, nec dolor et gemitus parientis nisi ex corpore mortis est, que illa praecepti transgressiona concepta est, animalibus quidem etiam tunc membris, sed si homo non peccasset, non utique moritur, et alio quodam statu felicie viciatur, donec post vitam bene gestam in melius mutari mererentur, sicut jam supra pluribus locis insinuavimus, refertur haec pena et ad proprietatem littere: nisi quia id quod dictum est, « Et ad virum tuum conversio tua, et ipse dominabitur tui », videndum est quemadmodum proprie possit accipi. Neque enim et ante peccatum, alter factam fuisse decet credere mulierem, nisi ut vir ei dominaretur, et ad eum ipsa serviendo converteretur. Sed recte accipi potest hanc servitudinem significatam, que enjusdam conditionis est po-

<sup>1</sup> Gen. iii, 16. Quidam vero in libro Genesi, capitulo xxxvii, versus 29, dicitur: « Et dixit ad Iacob: Procedi ad fratrem tuum, et ad eum ipsa serviendo convertere te. »

fius quam dilectionis, ut etiam ipsa talis servitus, qua homines hominibus postea esse servi coeperunt, de poena peccati reperiat exorta. Dicit quidem Apostolus: « Per charitatem servit invicem »; sed nequaquam diceret: « Invicem dominantur ». Possunt itaque conjuges per charitatem servire invicem: sed mulierem non permittit Apostolus dominari in virum<sup>1</sup>. Hoc enim viro potius Dei sententia delitul, et maritum habere dominum meruit mulieris non natura, sed culpa: quod tamen nisi servetur, depravabitur amplius natura, et augebitur culpa.

### CAPUT XXXVIII.

*In Poena Adam et nomen mulieris impositum.*

LI. **Dixit** ergo et ad virum ejus: « Quia audisti vocem mulieris tuæ, et edisti de ligno, de quo præceperam tibi de eo solo non edere, maledicta terra in operibus tuis: in tristitia edes illam omnes dies vitæ tuæ: spinas et tribulos edet tibi, et edes foenum agri. In sudore faciei tua edes panem tuum, donec convertaris in terram ex qua sumptus es: quia terra es, et in terram ibis<sup>2</sup>. » Hos esse in terra labores humani generis, quis ignorat? Et quia non essent, si felicitas, quæ in paradiſo fuerat, teneretur, non est utique dubitandum; ac per hoc etiam proprie verba hæc primitus accipere ne pigate. Servanda tamen est et expectanda significatio prophetæ, quam maxime hic intuetur Dei loquentis intencio. Neque enim frustra et ipse Adam mivo quodam instinetu tunc vocavit nomen mulieris sua Vitam; subjiciens etiam, « Quoniam

<sup>1</sup> Gal. v, 13. — <sup>2</sup> 1 Tim. ii, 12. — <sup>3</sup> Gen. iii, 17-19.

» ista est mater omnium viventium<sup>4</sup>. » Nam et hæc non scriptoris narrantis vel affirmantis, sed ipsius primi hominis verba intelligenda sunt; ut diceret, « Quoniam hæc est mater omnium viventium, » tanquam nominis a se impositi causam inferens, cur eam vocaverit Vitam: *qua si eni* *m idon zo zanu mpanz iimpni* *les autot T* *Jesus* *multimodisq sas ihesuioni aenam multimodis ianu mub* *bis, iutu risit a* **CAPUT XXXIX.** *multos non bony* *bili factum est diversisq aeterni iutu bony brillantem* *Tunicæ pelliceæ. — Exprobatio superbie.*

LI. « Er fecit Dominus Deus Adæ et mulieri ejus tunicas pelliceas, et induit eos<sup>5</sup>. » Et hoc significationis gratia factum est, sed tamen factum, sicut illa quæ significationis gratia dicta sunt, sed tamen dicta sunt. Hoc enim, quod sepe dixi, nec me sepius piget dicere, a narratore rerum proprio gestarum exigendum est, ut ea narret facta esse quæ facta sunt, et dicta esse quæ dicta sunt. Sicut autem in factis queritur quid factum sit, et quid significet: ita in verbis et quid dictum sit, et quid significet. Sive enim figurate sive proprie dictum sit, quod dictum esse narratur, dictum tamen esse non debet putari figuratum.

LII. « Et dixit Deus: Ecce Adam factus est tanquam unus ex nobis in cognoscendo bonum et malum<sup>6</sup>. » Quoniam hoc, per quodlibet et quomodolibet dictum sit, Deus tamen dixit, non alter intelligendum est quod ait, « Unus ex nobis, » nisi propter Trinitatem numeros pluralis accipiat; sicut dictum erat, « Faciamus hominem<sup>7</sup>; » sicut etiam Dominus de se et de Patre: « Venieamus ad eum, et mansionem apud eum faciemus<sup>8</sup>. » Replicatum

<sup>4</sup> Gen. iii, 20. — <sup>5</sup> Ibid. 21. — <sup>6</sup> Ibid. 22. — <sup>7</sup> Id. i, 26. — <sup>8</sup> Joan. xiv, 23.

est igitur in caput superbi, quo exitu concupiverit quod a serpente suggestum est: « Eritis sicut dii. Ecce, inquit, » Adam factus est tanquam unus ex nobis<sup>1</sup>. » Verba enim sunt hec Dei, non tam huic insultantis, quam ceteros ne ita superbiant deterrentis, propter quos ista conscripta sunt. « Factus est, inquit, tanquam unus ex nobis in » cognoscendo bonum et malum. » Quid aliud intelligentium nisi exemplum timoris incutendi esse proposatum, quod non solum non fuerit factus qualis fieri voluit, sed nec illud quod factus fuerat, conservavit.

#### CAPUT XL.

LIV. « Et nunc, inquit Deus, me aliquando extendat » manum, et sumat de ligno vite, et edat, et vivat in » aeternum. Et dimisit illum Dominus Deus de paradyso » voluptatis operari terram, ex qua sumptus est<sup>2</sup>. » Superiora verba Dei sunt: hoc autem factum propter ipsa verba secutum est. Alienatus enim a vita, non solum quam fuerat, si praeceptum servasset, cum Angelis accepturus, sed ab illa etiam quam duebat in paradyso, felici quodam corporis statu, separari utique debuit a ligno vite: sive quod ex ipso illi subsisteret felix ille ipse status corporis, ex re visibili, virtute invisibili, sive quod in eo esset et sacramentum visibile invisibilis sapientiae; alienandus inde utique fuerat, vel iam moriturus, vel etiam tanquam excommunicatus: sicut etiam in hoc paradyso, id est, Ec-

<sup>1</sup> Gen. iii, 5. — <sup>2</sup> Ibid. 22.

clesia, solent a sacramentis altaris visibilibus homines disciplina ecclesiastica removeri.

LV. « Et ejecit Adam, et collocavit eum contra par- » disum voluptatis<sup>1</sup>. » Et hoc significandi gratia factum est, sed tamen factum, ut contra paradisum, quo beata vita etiam spiritualiter significabatur, habaret peccator utique in miseria<sup>2</sup>. « Et ordinavit Cherubim, et flammeam » rhomphaeam que vertitur, custodire viam ligni vite<sup>3</sup>. » Hoc per celestes utique Potestates etiam in paradyso visibili factum esse credendum est, ut per angelicum ministerium esset illuc ignea quedam custodia: non tamen frustra factum esse, nisi quia significat aliquid etiam de parado spirituali, non est utique dubitandum.

#### CAPUT XLI.

*Opiniones de hominis peccato, quale fuerit. — Cœ- remonie nuptiales.*

LVI. Non autem ignoro quibusdam esse visum, festi- natione prevertisse illos homines appetitum scientiae boni et mali, et immatu tempore percipere voluisse, quod eis dilatum opportunius servabatur; idque egisse tentatorem, ut præoccupando quod nondum talibus conguebat, offendit Deum, et ab ejus rei utilitate alienarentur exclusi atque damnati, ad quam si suo tempore, sicut Deus volebat, accederent, possent ea salubriter perfri. Hoc, si forte lignum illud non ad proprietatem ut verum lignum et vera poma ejus, sed ad figuram velint accipere, habeat exitum aliquem recte fidei veritatem probabilem.

<sup>1</sup> Gen. iii, 24. — <sup>2</sup> Sent. dist. xxxix, cap. *Ne vero.* — <sup>3</sup> Gen. iii, 24.

**LVII.** Visum est et quibusdam duos illos primos homines nuptias suas fuisse furatos, et ante mixtos esse concubitu, quam eos qui creverat copulasset: quam rem nomine ligni fuisse significatam, unde prohibiti erant, donec opportuno tempore jungentur. Quasi in vero in ea aetate facti esse credendi sint, ut expectanda esset maturitas pubertatis; aut non illud tunc legitimum esset, cum primum fieri potuisset, cum autem non potuisset, non utique fieret: nisi forte sponsa erat a patre tradenda, et expectanda erat votorum solemnitas, et convivii celebritas, et dotis aestimatio, et conscriptio tabularum. Ridiculum istud est; praeter quod a rerum gestarum proprietate discedit, quam suscepimus asserendam, et quantum Deus donare voluit asservimus.

---

### CAPUT XLII.

*An Adam crediderit serpenti, quave ratione ad peccandum inductus sit. — Salomonis idololatria.*

**LVIII.** ILLUD magis movet, si jam spiritualis erat Adam, quamvis mente, non corpore, quomodo credere potuerit quod per serpentem dictum est, ideo Deum prohibuisse ne fructu ligni illius vescerentur, quia sciebat eos, si fecissent, futuros ut deos propter dignoscientiam boni et mali, tanquam hoc tantum bonum creature sua Creator invidenter: hoc mirum si homo spirituali mente praditus credere potuisset. An quia hoc credere ipse non posset, propterea mulier addita est, quae parvi intellectus esset, et adhuc fortasse secundum sensum carnis, non secundum spiritum mentis viveret, et hoc est quod ei Apostolus non

tribuit imaginem Dei? Sic enim ait: « Vir quidem non debet velare caput, cum sit imago et gloria Dei; mulier autem gloria viri est<sup>1</sup>. » Non quod mens foemina eamdem imaginem capere non possit, cum in illa gratia nos dicat nec masculum esse nec foemina: sed quod fortassis illa hoc nondum percepit quod fit in agitione Dei, et viro regente ac dispensante paulatim fuerat perceptura. Neque enim frustra est illud, quod Apostolus ait: « Adam enim primus formatus est, deinde Eva: et Adam non est seductus, mulier autem seducta in praevaricatione facta est<sup>2</sup>; » id est, ut per illam etiam vir praevaricaretur<sup>3</sup>. Nam et ipsum dicit praevaricatorem, ubi ait: « In similitudinem praevaricationis Adae qui est forma futuri<sup>4</sup>. » Seductum tamen negat. Nam et interrogatus non ait: « Mulier quam dedisti mecum, seduxit me, et manducavi: » sed, « Ipsa mihi, inquit, dedit a ligno, et manducavi. » Illa vero, » Serpens, inquit, seduxit me. »

**LIX.** Ita Salomon vir tantae sapientiae, numquidnam credendum est, quod in simulacrorum cultu credit esse aliquid utilitatis? sed mulierum amori ad hoc malum trahenti resistere non evaluit<sup>5</sup>, faciens quod sciebat non esse faciendum, ne suas, quibus desperabat atque disfluebat, mortiferas delicias contristaret. Ita et Adam, postquam de ligno prohibito seducta mulier manducavit, eique dedit ut simul erederent, noluit eam contristare<sup>6</sup>, quam credebat posse sine suo solatio contabescere, si ab ejus alienaretur animo, et omnino illa interire discordia. Non quidem carnis victimus concupiscentia, quam nondum senserat in resistente lege membrorum legi mentis sue, sed amicali quadam benevolentia, qua plerumque fit ut offendatur Deus, ne homo ex amico fiat inimicus: quod

<sup>1</sup> Cor. xi, 7. — <sup>2</sup> 1 Tim. ii, 13. — <sup>3</sup> 2 Sent. dist. xxi, cap. Solet.  
— <sup>4</sup> Rom. v, 14. — <sup>5</sup> 3 Reg. xi, 4. — <sup>6</sup> 2 Sent. dist. xxii, cap. Ex quo.

eum facere non debuisse, divinæ sententiae justus exitus indicavit.

LX. Ergo alio modo quodam etiam ipse deceptus est: sed dolo illo serpantino, quo mulier seducta est, nullo modo illum arbitror potuisse seduci in illo modo, quo illa potuit. Hanc autem proprie seductionem appellavit Apostolus, qua id quod suadebatur, cum falsum esset, verum putatum est<sup>1</sup>, id est, quod Deus ideo lignum illud tangere prohibuerit, quod sciebat eos, si tetigissent, velut deos futuros, tanquam eis divinitatem invideret, qui eos homines fecerat. Sed etiam si virum propter aliquam mentis elationem, quæ Deum internorum scrutatorem latere non poterat, sollicitavit aliqua experiendi cupiditas, cum mulierem videret accepta illa esca non esse mortuam, secundum ea que superius tractavimus<sup>2</sup>: non tamen eum arbitror, si jam spirituali mente prædictus erat, ullo modo credere potuisse, quod eos Deus ab esca illius ligni invidendo vetuisset. Sed quid plura? Persuasum est illud peccatum sicut persuaderi talibus posset: conscriptum est autem sicut legi ab omnibus oporterer, et si paucis hac intelligenterent sicut oporteter.

<sup>1</sup> Tim. ii, 14. — <sup>2</sup> 2 Sent. dist. ii, 29, cap. *Præterea*.

1a, amarilibus si se eniq[ue] m[er]it, hisc amol, obv[er]va  
et amol, i[m]m[er]it, tunc p[ro]p[ter]e, et c[on]tra illud, amol, i[m]m[er]it,  
tunc amol, b[ea]t[us].

—maq[ue] triculoy q[ui]llam illa multa abib[us] p[ro]p[ter]e multa  
multa multa p[ro]p[ter]e multa multa abib[us] p[ro]p[ter]e multa  
multa multa p[ro]p[ter]e multa multa abib[us] p[ro]p[ter]e multa

## LIBER XII.

—maq[ue] triculoy q[ui]llam illa multa abib[us] p[ro]p[ter]e multa  
multa multa p[ro]p[ter]e multa multa abib[us] p[ro]p[ter]e multa  
multa multa p[ro]p[ter]e multa multa abib[us] p[ro]p[ter]e multa

IN Q[UE] DE PARADISO ET TERTIO COELO QUO RAPTUS EST PAULUS, DEQ[UE] MU. IMPLICI  
VISIONEM GENERE DISPUTATUR.

### CAPUT I.

*De paradiso locus Apostoli examinandus.*

I. AB exordio Scripturæ sanctæ, qua inscribitur Genesis, donec homo primus de paradiso dimissus est, undecim libris sive asserendo atque defendendo qua certa nobis sunt, sive inquirendo et ambigendo de incertis, quæ potuimus, et sicut potuimus, disseruimus atque conscripsimus, non tam præscribentes de rebus obscuris unicuique quid sentiat, quam nos docendos in quibus dubitavimus ostendentes, temeritate m[en]tisque affirmandi amoventes a lectore, ubi non valuimus prebere sententiae firmatatem: iste autem duodecimus liber ea jam cura expeditus, qua nos pertractandus textus sacrarum Litterarum occupabat, liberius atque prolixius versabit « de Parado » questionem; ne putemur evitasse, quod videtur Apostolus in tertio celo insinuare paradisum, ubi ait: « Scio » hominem in Christo ante annos quatuordecim, sive in « corpore nescio, sive extra corpus nescio, Deus scit, » raptum ejusmodi usque in tertium cœlum : et scio « ejusmodi hominem sive in corpore sive extra corpus